

## FUNDARGERÐ

**444. fundar sveitarstjórnar Mýrdalshrepps, haldinn miðvikudaginn 18. mars 2009 kl. 16:00 á skrifstofu hreppsins, Austurvegi 17 í Vík.**

**Fundinn sátu undirritaðir aðalmenn. Sveitarstjóri ritaði fundargerðina á tölvu. Oddviti, Þórhildur Jónsdóttir setti fund og stjórnaði.**

### **Gerðir fundarins:**

Oddviti leggur til að tekið verði á dagskrá aðalfundarboð Eignarhaldsfélags Suðurlands undir liðnum III-9. Samþykkt.

Sveitarstjóri gerir grein fyrir verkefnum frá síðasta fundi.

### **I. Fundargerðir til staðfestingar.**

- 1. Fundargerð 10. fundar umhverfis- og náttúruverndarnefndar frá 4. mars 2009.**  
Fundargerðin samþykkt.

- 2. Fundargerð 159. fundar skipulags- og byggingarnefndar frá 5. mars 2009.**

Í 1. lið fundargerðarinnar var samþykkt tillaga að deiliskipulagi fyrir hluta Túnahverfis og í lið 3c var samþykkt að leið nr. 3 í frumdrögum Vegagerðarinnar verði sett á aðalskipulagstillögu.

Sveinn óskar eftir að liður 3c í fundargerðinni verði tekinn sérstaklega til afgreiðslu. Sveitarstjórn staðfestir samþykkt skipulags- og byggingarnefndar sem fram kemur í lið 3c í fundargerðinni með 3 atkvæðum (PJ, EE, KP). Tveir sitja hjá (SP, SH).

Sveinn og Sif leggja fram bókun varðandi lið 3c:

*Við undirrituð sitjum hjá við afgreiðslu á niðurstöðu skipulags- og byggingarnefndar varðandi veglínu þar sem við teljum að ekki sé fylgt markmiðum skipulags- og byggingarlaga þar sem segir m.a. að réttur einstaklinga og lögadila skuli ekki fyrir borð borinn þótt hagur heildarinnar skuli hafður að leiðarljósi. Sé gengið út frá því að niðurstaða skipulags- og byggingarnefndar endurspegli hag heildarinnar, sem þó má efast um, er ljóst að sjónarmið Umhverfisstofnunar, Fuglaverndarfélag Íslands, Landverndar, Náttúruverndarsamtaka Suðurlands auk margra einstaklinga og landeigenda eru virt að vettugi og álykta má að gengið sé eins langt gegn sjónarmiðum þessara aðila eins og mögulegt er. Náttúruferið er auðlind Mýrdælinga og við skipulagsvinnu er mikilvægt að samfélagslegir hagsmunir og náttúruvernd séu höfð að leiðarljósi. Í fyrirliggjandi gögnum má finna ýmsar lausnir sem bjóða upp á aukið umferðaröryggi en taka betur tillit til ofangreindra sjónarmiða. Þar á meðal eru lausnir þar sem vegurinn fer ekki í gegnum Víkurþorp og jafnvel leiðir sem stytta veginn meira en fyrirliggjandi tillaga. Við höfum verið fylgjandi því að auka umferðaröryggi og bæta samgöngur með jarðgöngum um Reynisfjall en getum ekki greitt þessari tillögu eins og hún liggur fyrir atkvæði okkar og sitjum hjá.*

Þórhildur leggur fram bókun:

*Ég samþykki niðurstöðu skipulags- og byggingarnefndar en tel að vestan Geitafjalls ætti veglínan að liggja norðar og taka betur tillit til landamarka lögbýla.*

*Ég geri athugasemdir við að í fundargerð er ekki getið tillögu sem Gísli Gíslason skipulagsfulltrúi lagði fram á fundinum varðandi veglínu.*

B-listinn óskar eftir fundarhléi.

Elín og Karl leggja fram bókun:

*Í ljósi þess að meirihluti D-listans í sveitarstjórn klofnar aftur í afgreiðslu á nýrri veglínu á aðalskipulagstillögu lýsum við yfir vantrausti á sitjandi meirihluta og lítum svo á að hann sé falinn.*

D-listinn óskar eftir fundarhléi.

Sveinn, Þórhildur og Sif leggja fram bókun:

*Við lýsum því hér með yfir að D-listinn hyggst halda áfram farsælu samstarfi út kjörtímabilið*

*þrátt fyrir deildar meiningar um veglínu í aðalskipulagstillögu.*

Fundargerðin að öðru leyti samþykkt samhljóða.

### **3. Fundargerð 158. fundar fræðslunefndar frá 16. mars 2009.**

Á fundinum var m.a. skipaður 5 manna stýrihópur til að leiða vinnu við gerð menntastefnu Mýrdælinga. Nefndin vísaði ákvörðun um rekstrarfyrirkomulag skólanna til sveitarstjórnar. Fundargerðin samþykkt.

D-listinn leggur fram tillögu ásamt greinargerð:

*Sveitarstjórn samþykkir að sameina rekstur grunn-, leik- og tónskóla Mýrdalshrepps í eina deildaskipta stofnun með einum stjórnanda frá og með 1. ágúst 2009. Starfsmönnum, sem segja þarf upp störfum vegna breytinganna, verði boðin störf við hina nýju stofnun. Auglýst verði eftir stjórnanda hið fyrsta og honum ætlað að taka þátt í skipulagningu hinnar nýju stofnunar. Jafnframt verði hafist handa við hönnun húsnæðis skólanna og stefnt að því að öll starfsemi þeirra verði komin á sama stað innan fátíðra ára.*

*Greinargerð:*

*Á fundi þann 1. apríl 2008 samþykkti meirihluti sveitarstjórnar að setja af stað undirbúning þess að sameina skólana í eina stofnun. Leitað var til Atvinnuþróunarfélags Suðurlands og haldið var íbúáþing um skólamál 17. janúar 2009. Ný lög um leik- og grunnskóla tóku gildi 1. júlí 2008 og þar er heimilað að reka saman grunn-, leik- og tónlistarskóla undir stjórn eins skólustjóra. Vegna efnahagskreppunnar sem nú ríður yfir má gera ráð fyrir að nokkuð þrengi að rekstri Mýrdalshrepps á næstu árum. Samrekstur skólanna getur auðveldað sveitarfélaginu að halda uppi sviptu eða betra þjónustustigi en nú er.*

Tillagan samþykkt með 3 atkvæðum (SP,ÞJ,SH) gegn 2 (EE,KP).

B-listinn leggur fram bókun:

*Fulltrúar B-listans telja að ekki hafi komið fram fagleg né fjárhagsleg rök fyrir því að sameining skólaflokkanna í sveitarfélaginu sé skynsamlegur kostur. Að öðru leyti vísum við til fyrri bókana okkar um fræðslumál í Mýrdalshreppi.*

## **II. Innsend erindi til afgreiðslu.**

### **1. Bréf Óskars og Ragnars Þorsteinssona dags. 11. mars 2009.**

Bréfritarar óska eftir álitum sveitarstjórnar á því að þeir reki u.þ.b. 60 ær með lömbum í Höfðabrekkuafrétt á komandi vori. Samþykkt að óska umsagnar fjallskilaneftndar eystri.

### **2. Bréf Sigurðar Sigurðarsonar dags. 5. mars 2009.**

Sigurður upplýsir að eignarhluti hans í jörðinni Kaldrananesi sé ekki rétt skráður í Fasteignaskrá og ekki hafi fengist leiðrétting þrátt fyrir að hann hafi leitað til Fasteignamats ríkisins, sýslumanns og sveitarfélagsins.

Sveitarstjórn hvetur Sigurð, í samráði við aðra eigendur Kaldrananess, til að kanna hvort ekki sé rétt að gera formlega eignaskiptalýsingu og eða eftir atvikum útskiptingu lands þar sem fyrirbyggjandi þinglýst gögn virðast ekki nægja til réttar skráningar í Fasteignaskrá.

### **3. Bréf forsætisráðuneytis dags. 2. mars 2009.**

Óskað er eftir að sveitarfélagið taki saman upplýsingar um alla samninga sem sveitarfélagið á aðild að og taka til vatns- og jarðhitaréttinda. Sveitarstjóra falið að svara erindinu.

### **4. Bréf Guðm. Emils Sæmundssonar og Karls Pálmasonar dags. 1. mars 2009.**

Karl vísar af fundi.

Bréfritarar óska eftir að leigja tún Norður-Víkur til slagna.

Samþykkt að leigja þeim afnotin til eins árs.

Karl kemur inn á fundinn.

### III. Málefni til umfjöllunar / afgreiðslu.

#### 1. Umsókn um lóð.

Sveitarstjórn samþykkir að úthluta lóðinni Mylluland 9 samkvæmt fyrirbyggjandi umsókn.

#### 2. Aðalfundur Vottunarstofunnar Túns ehf.

Aðalfundur Vottunarstofunnar Túns ehf verður haldinn föstudaginn 20. mars n.k. Sveitarstjórn sendir ekki fulltrúa á fundinn.

#### 3. Svæðisáætlun um meðhöndlun úrgangs.

Fyrir liggur Svæðisáætlun um meðhöndlun úrgangs á starfssvæði byggðasamlagsins Hulu fyrir árin 2008-2020.

Sveitarstjórn samþykkir áætlunina fyrir sitt leyti.

#### 4. Dyrhólaey.

Sveitarstjórn minnir á fyrri bókanir sínar þess efnis að lokun Dyrhólaeyjar eins og hún hefur verið framkvæmd á síðustu árum sé ekki ásættanleg með tilliti til hagsmuna ferðaþjónustunnar og óskar eftir að Umhverfisstofnun boði hagsmunaaðila til fundar um málið hið fyrsta.

#### 5. Innkaupareglur.

Sveitarstóra falið að yfirfara gildandi innkaupareglur með hliðsjón af nýjum leiðbeiningum Sambands íslenskra sveitarfélaga.

#### 6. Lánessamningur.

Sveitarstjórn Mýrdalshrepps samþykkir hér með að taka lán hjá Lánasjóði sveitarfélaga ohf. að fjárhæð 20.000.000 kr. til 15 ára, í samræmi við lánessamning sem liggur fyrir fundinum. Til tryggingar láninu standa tekjur sveitarfélagsins, sbr. heimild í 3. mgr. 73. gr. sveitarstjórnarlaga nr. 45/1998. Er lánið tekið til að fjármagna viðhaldsframkvæmdir, gatnagerð og holræsagerð, sbr. 3. gr. laga um stofnun opinbers hlutafélags um Lánasjóð sveitarfélaga nr. 150/2006.

Jafnframt er Sveini Pálssyni kt. 101261-2209, veitt fullt og ótakmarkað umboð til þess f.h.

Mýrdalshrepps að undirrita lánessamning við Lánasjóð sveitarfélaga ohf. sbr. framangreint, sem og til þess að móttaka, undirrita og gefa út, og afhenda hvers kyns skjöl, fyrirmæli og tilkynningar, sem tengjast lántöku þessari.

#### 7. NPP-verkefni, The Sea as Our Neighbour.

Sveinn gerir grein fyrir verkefninu og leggur til að Mýrdalshreppur taki þátt í því með kostnaðarþátttöku sem nemur 7000€ á næstu 3 árum þar af 2000€ á árinu 2009 auk vinnuframlags. Gert verði ráð fyrir að verkefni færist til Kötluseturs þegar það hefur hafið starfsemi. Sveitarstjórn samþykkir að taka þátt í verkefninu.

#### 8. Ársreikningur 2008, fyrri umræða.

Umræðu frestað.

#### 9. Aðalfundarboð Eignarhaldsfélags Suðurlands .

Aðalfundur Eignarhaldsfélags Suðurlands hf. verður haldinn þriðjudaginn 31. mars. Sveinn fer með umboð Mýrdalshrepps á fundinn.

### IV. Fundargerðir til kynningar:

1. Fundargerð 30. fundar félagsþjónustu frá 25. febrúar 2009.
2. Fundargerð 32. fundar barnaverndarnefndar frá 18. febrúar 2009.

## V. Annað kynningarefni

1. Bréf bænda og landeigenda dags. 22. febrúar 2009.
2. Bréf Landgræðslustjóra dags. 3. mars 2009.
3. Bréf Landgræðslustjóra dags. 9. mars 2009.
4. Bréf Heilbrigðiseftirlits dags. 19. febrúar 2009.
5. Bréf Sambands íslenskra sveitarfélaga dags. 6. mars 2009.
6. Umsókn um styrk af Byggðaáætlun.
7. Umsóknir til Ferðamálastofu.

Fundargerðin lesin upp og samþykkt.

Fundi slitið kl. 18:00

---

Þórhildur Jónsdóttir  
oddviti

---

Sif Hauksdóttir

---

Elín Einarsdóttir

---

Sveinn Pálsson  
sveitarstjóri

---

Karl Pálmason